

SCRIPTA

Numéro Scripta : 726

Auteur(s) : Sées, Saint-Martin (abbé)

Bénéficiaire(s) : Le Tréport, Saint-Michel (abbaye)

Genre d'acte : charte

Authenticité : non suspect

Datation : 1235, 27 février

Action juridique : règlement conflit

Langue du texte : latin

Analyse

Accord entre les moines du Tréport et Nicolas, curé de Saint-jacques, au sujet d'une rente de dix-huit livres tournois

Tableau de la tradition

Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CLXIX, p. 187-188.

Texte établi d'après a

Universis presentes litteras inspecturis abbas et prior Sancti Martini et officialis Sagiensis, a domino Papa iudices delegati, salutem in Domino. Noveritis quod, cum contentio verteretur inter abbatem et conventum de Ulteriori Portu, ex una parte, et magistrum Nicholaum, rectorem ecclesie Sancti Jacobi de Ulteriori Portu, ex altera, super decem et octo libris turonensium, quos dicti abbas et conventus petebant ab eodem, coram nobis, annue pensionis de redditibus ecclesie predicte, tandem in jure constituti coram nobis Martinus de Monte Reginaldi, clericus, procurator dictorum abbatis et conventus, per litteras procuratorias sigillis abbatis et conventus sigillatas, ex una parte, et magister Nicholaus, rector ecclesie predicte, ex altera, idem Nicholaus recognovit in jure coram nobis quod abbas et conventus. Sancti Michaelis de Ulteriori Portu, de jure et antiqua possessione, habebant et percipiebant et percipere debebant decem et octo libras turonensium, in ecclesia Sancti Jacobi de Ulteriori Portu, annue pensionis de redditibus ecclesie supradicte hiis terminis, scilicet in festo Omnium Sanctorum sex libras, in Natali Domini sex libras, et in Pascha Domini sex libras turonensium, per manum rectoris ejusdem ecclesie capiendas. In cujus rei testimonium nos, de concessu prenominati procuratoris abbatis et conventus et prefati magistri Nicholai, presentibus litteris sigilla nostra duximus apponenda. Actum anno Domini M°. CC°. XXX°. IIII°, die martis post Cineres.